



Inatsisartuni ilaasortaq
Justus Hansen, Demokraatit
/MAANI

**Tasiilami innaallagissamut akit qaffannerat pillugu § 37 naapertorlugu apeqqut
nr. 1-imut akissut**

15. januar 2016
Sags nr. 2016-666

Asasara Justus Hansen

4. januar 2016-imi innaallagissamut akit qaffannerat pillugu Naalakkersuisunut
apeqquteqarputit. Apeqqutit uannut akisassanngorlugit innersuunneqarput.

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: paian@nanoq.gl
www.naalakkersuisut.gl

Aallarniutigalugu erseqqissaatigissavara, innaallagissamut akit ukiut tamaasa ukiut
nikinnerannut atatillugu iluarsivigineqartarmata. Iluarsinermi ukiumut tulliuttumut
missingersuutit aammalu sumiifinni ataasiakkaani naatsorsuutit kingullit (matuman
2014-imut naatsorsuutit) tunngavigineqartarpuit. Tasiilami akinik qaffaanerit immikkut
apeqquteqarfigigakkit, Naalakkersuisut akissuteqarnissaminnut paasissutissanik
Nukissiorfinnut piniarsimapput. Apeqqutit matuma kinguliani akineqarput.

**1. Tasiilami erngup nukinganik innaallagissiorfimmi suut aserfallatsaaliinerit
ingerlanneqarnikuuppat januarip ulluisa aallaqqaataani 2016-mi innaallagissap
akiata 20 %-anik qaffattariaqalerneranut pissutaasut?**

Nukissiorfinnit ilisimatitsissutigineqarpoq, Tasiilami erngup nukinganik innaallagissiorfiup
ingerlaavartumik aserfallatsaaliorneqarneranut aningaasartuutit ajoraluartumik 2014-imi
missingersuutit naatsorsornerini naammattumik amerlassusilerneqarsimannnginnerat
akinik qaffaanermut pissutaasoq. Tassalu 2014-imi innaallagissamut akiliutigitinneqartut
ikippallaarsimapput. 2014-imi aserfallatsaaliuinermut nalinginnaasumut 400.000
koruunik missingersuusiorqarsimavoq, kisiannili aningaasartutiviusut 900.000
koruuniusimallutik. 2016-imi Tasiilami innaallagissamut akiusoq atorlugu 2014-imi akit
appasippallaarnerat nalimmassarneqassaaq.

**2. Tasiilami innuttaasut suliffiillu innaallagissap akiata appartinnissaa qaqugu
naatsorsuutigisinnavaat?**

Ataatsimut isigalugu 2014-imi akip appasippallaamik akilersinneqartup, 2016-imi
iluarsineqartup saniatigut Tasiilami akit annertuumik allanngorarsimannngillat.
Nukissiorfinnit ilisimatitsissutigineqarpoq, pissutsinik annertuumik
allangortoqanngippat, tamanna pissutigalugu akit 2016-ip kingorna KWh-mut 2,80-2,90
koruunit missaannut nalimmassarneqarnissaata naatsorsuutigineqartoq.

Tasiilami innaallagissamut akit 2011-2015-imi agguaqatigiissillugit imatut isikkoqarsimapput:

Ukioq	Innaallagissamut akit agguaqatigiissillugit (kWh-mut koruunit)
2011	2,72
2012	2,87
2013	2,82
2014	2,43
2015	2,72
2016	3,27

3. Naalakkersuisut siunissami Nukissiorfiit peqqusinnaanerlugit akit nikerarnerannut pissutaasut ersarinnerusumik nassuiartalissagaat?

Nukissiornermut akit nukissamik pilersuineq pillugu Inatsisartut peqqussutaat nr. 14, 6. november 1997-imeersoq, kiisalu Aningaasanut Inatsimmi kontomut pingaarnermut 73.94.02-mut oqaaseqaatit naapertorlugit aalajangersarneqartarput. Tassalu Inatsisartut nukissiornermut akinik aalajangersaasarnermut maleruagassanik aalajangersaasimapput.

Maanna nukissiuuteqarnermut akeqartitseriaatsimi naapertuutinngitsut Naalakkersuisut eqqumaffigisorujussuaat. Taamaattumik akeqartitseriaatsimik nutaamik ersarinnerusumik, akit ineriartornerini tutsuiginarnerusumik aammalu Nukissiorfinnut ingerlatsinermut tapiissutinik peeriartuaartitsinissamik inissaqarsitsiviusumik pilersitsiniarluni sulisoqarpooq. Matumi suliassaq pisariusorujussuaq pineqarpooq, kisiannili Naalakkersuisut siunnersummik 2016-imi saqqummiussisinnaanissartik naatsorsuutigaat.

4. Aqqusinikkut angallatinik/imaani angallatinik (biilit, qamuteralaat, angallatit allallu) Nukissiorfiit ukiumut pisisarpat aamma Naalakkersuisut isumaqarpat, tamakkuninnga pisineq aningaasanik atorluaanerusoq? Akissummi skema takussutissaq ilannguteqquneqarpoq allatorlugit suut pisiarineqarsimanersut, pisiat sumi atorneqarnersut aamma qanoq akeqarnersut.

Nukissiorfiit ilisimatitsipput, teknikkimik, sullissinermik aningaasaqarnermillu naliliinerit tunngavigalugit nunakkut/imaatigut atortunik taarsersuisoqartartoq. Qamutit assakaasullit amerlassusaat illoqarfinni nunaqarfinnilu ataasiakkaani suliassanut nalimmassagaapput, assersuutigalugu pigaartoqarnermut, agggersarneqarnermut, pilersuinerup isumannaassusaanut il.il. atatillugu qamutinik assakaasulinnik atorfissaqartitsisoqarnersoq. Assersuutigalugu qamuteralaat ukiunerani erngup nukinganik innaallagissiorfinnik il.il. nakkutiliinermut atorneqartarput. Biilit, imaatigut angallatit il.il. pisiarineqartartut ukiut ingerlanerini allanngorarput. 2014-imi Nukissiorfiit 3,5 millioner koruunit nalinginut pisipput, 2015-imilu 3 millioner koruunit nalinginut pisillutik.

Ukiut siuliini marlunni atortut makku pisiarineqarput:

Atortut 2014-imni pisiarineqartut

Illoqarfiup aqqa	Taaguut	Pisinermi akiusoq
Qaanaaq	Dumperi/Nilattaat il.il.	1.782.532
Nanortalik	Qamuteralaat Viking 540 IV	79.000
Qeqertarsuaq	Qamuteralak Viking 540 IV	79.000
Nuuk	Qamuteralak SR Viper XTX Cross	109.000
Nuuk	Qamuteralak SR Viper XTX Cross	109.000
Paamiut	ATV 1 4-hjuler	78.292
Arsuk	ATV 2 4-hjuler	49.950
Aasiaat	Toyota Hilux dobbelt cab.	411.465
Ilulissat	Toyota Hilux x-cab - single cabinet.	325.218
Nuuk	Biili assartuut Nissan E-NV200	249.436
Nuuk	Biili assartuut Nissan E-NV200	225.000
		3.497.892

Atortut 2015-imni pisiarineqartut

Illoqarfiup aqqa	Taaguut	Pisinermi akiusoq
Paamiut	Ommelift	281.000
Tasiilaq	Hilux	415.000
Ilulissat	4-hjuler	78.000
Ilulissat	4-hjuler	78.000
Tasiilaq	Qamuteralak	110.000
Ilulissat	Ommelift	281.390
Sisimiut	Biili assartuut	1.148.000
Sisimiut	Biili kabelilerissut	224.000
Ikamiut	4-hjuler	79.000
Kapisillit	4-hjuler	85.000
Qullersaqarfik	Biili innaallagiamoortoq Nissan	195.000
		2.974.390

Nunakkut/imaatigut atortunut aningaausat naapertuitinngitsumik atorneqarnerinut
Naalakkersuisut takussutissaqannngillat.

Inussiarnersumik inuulluaqqusillunga

Mala Høy Kúko